

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

Коми Республикаын войтыркостса да экономикаын ортсыса йитөдъяс збыльмөдан өткымын юалөм ладмөдөм йылысь

Примитөма Коми Республикаса
Каналан Сөветөн

2023 вося öшым төлысь 22 лунö

Тайö Оланпасыс Россия Федерацияса Оланподув, «Россия Федерацияса субъектыслысь войтыркостса да экономикаын ортсыса йитөдъяссö координируйтöм йылысь» Федеральнöй оланпас, «Россия Федерацияын меставывса асвеськөдлөмсö котыртан öтувъя принципяс йылысь» Федеральнöй оланпас, «Россия Федерацияса субъектысын публичнöй власьт котыртан öтувъя принципяс йылысь» Федеральнöй оланпас, мукöд федеральнöй оланпас да Россия Федерацияса мукöд нормативнöй инöда акт, Коми Республикаса Оланподув, Коми Республикаса оланпасяс да Коми Республикаса мукöд нормативнöй инöда акт серти ладмөдö Коми Республикаын войтыркостса да экономикаын ортсыса йитөдъяс збыльмөдан өткымын юалөм.

1 статья. Кыввежөртасъяс да терминъяс

Тайö Оланпасын вöдитчан кыввежөртасъясөн да терминъясөн вöдитчöны «Россия Федерацияса субъектыслысь войтыркостса да экономикаын ортсыса йитөдъяссö координируйтöм йылысь» Федеральнöй оланпасын, «Россия Федерацияын меставывса асвеськөдлөмсö котыртан öтувъя принципяс йылысь» Федеральнöй оланпасын да Россия Федерацияса мукöд нормативнöй инöда актын индөм вежөртасъясын.

2 статья. Войтыркостса да экономикаын ортсыса йитөдъяс збыльмөдөм серти Коми Республикаса Каналан Сöветлөн уджмогъяс

Войтыркостса да экономикаын ортсыса йитөдъяс збыльмөдөм серти Коми Республикаса Каналан Сöветлөн уджмогъясö пырöны:

- 1) Коми Республикаын войтыркостса да экономикаын ортсыса йитөдъяс збыльмөдөмсö оланпастэчас серти ладмөдөм;
- 2) Коми Республикаын войтыркостса да экономикаын ортсыса йитөдъяс збыльмөдан юалөмъяс серти Коми Республикаса оланпасясö кутчысьöм да найöс олөмö пöртöм бöрся контроль збыльмөдөм;
- 3) аслас уджмогъяс серти войтыркостса да экономикаын ортсыса йитөдъяс збыльмөдөм йылысь переговоръяс нуөдөм да артмөдчөмъяс

кырымалом;

4) суйорсайса канмуяслон мутасьясын Коми Республикаос петкодлысьяс чино индом серти Коми Республикаса Юралысьон пыртон вöзйомьяссö сöгласуйтом;

5) Россия Федерацияса Оланподулон, федеральной оланпасьясон, Коми Республикаса Оланподулон да Коми Республикаса оланпасьясон урчитон мукод уджмог збыльмодом.

3 статья. Войтыркостса да экономикаын ортсыса йитодьяс збыльмодом серти Коми Республикаса Юралысьлön уджмогьяс

Войтыркостса да экономикаын ортсыса йитодьяс збыльмодом серти Коми Республикаса Юралысьлön уджмогьясö пырöны:

1) Коми Республикалön компетенция серти экономикаын ортсыса йитодьяс збыльмодигон Коми Республикаос петкодлом да Коми Республика нимсянь артмодчомьяс кырымалом;

2) суйорсайса канмуяслон мутасьясын Коми Республикаос петкодлысьяс чино индом серти вöзйомьяс Коми Республикаса Каналан Сöветö сöгласуйтом выло сетом;

3) Коми Республикаса Каналан Сöветкод сöгласуйтомон суйорсайса канмуяслон мутасьясын Коми Республикаос петкодлысьяс чино индом, а сиджö найос чинысь мездом;

4) федеральной оланпасьяс, Коми Республикаса Оланподув да Коми Республикаса оланпасьяс серти мукод уджмог.

4 статья. Войтыркостса да экономикаын ортсыса йитодьяс збыльмодом серти Коми Республикаса Вескөдлан котырлön уджмогьяс

1. Войтыркостса да экономикаын ортсыса йитодьяс збыльмодом серти Коми Республикаса Вескөдлан котырлön уджмогьясö пырöны:

1) Коми Республикаса Вескөдлан котырлön компетенцияö пыртон юаломьяс серти Коми Республикаын войтыркостса да экономикаын ортсыса йитодьяс сöвмөдөмсö могмөдом;

2) Коми Республикаса Вескөдлан котырлön компетенцияö пыртон юаломьяс серти войтыркостса да экономикаын ортсыса йитодьяс збыльмодом йылысь переговорьяс нуөдом да артмодчомьяс кырымалом;

3) Коми Республикаын войтыркостса да экономикаын ортсыса йитодьяс юкöнын Коми Республикаса олөмө пöртысь власьт органьяслысь уджсö координируйтон серти Коми Республикаса олөмө пöртысь власьт органос индом;

4) Коми Республикаса олөмө пöртысь власьт органьясөн войтыркостса да экономикаын ортсыса йитодьяс збыльмодан пöрадоксö индом;

5) Коми Республикаын муниципальнӧй юкӧнъяслӧн меставывса асвеськӧдлан органъясӧн войтыркостса да экономикаын ортсыса йитӧдъяс збыльмӧдӧмсӧ аслас уджмогъяс серти инӧд боксянь ладмӧдӧм;

6) Коми Республикаын муниципальнӧй юкӧнъяслӧн меставывса асвеськӧдлан органъяслы наӧн войтыркостса да экономикаын ортсыса йитӧдъяс збыльмӧдӧгӧн инӧд, котыртом да методика боксянь отсӧг сетӧм;

7) войтыркостса да экономикаын ортсыса йитӧдъяс збыльмӧдан юалӧмъяс серти Коми Республикаын муниципальнӧй юкӧнъяслӧн меставывса асвеськӧдлан органъяскӧд ӧтув уджалӧм вылӧ уполномочитӧм Коми Республикаса олӧмӧ пӧртысь власьт органӧс индӧм;

8) Коми Республикаын муниципальнӧй юкӧнъяслӧн меставывса асвеськӧдлан органъяслысь суйӧрсайса канмуяслӧн меставывса асвеськӧдлан органъяскӧд войтыркостса да экономикаын ортсыса йитӧдъяс збыльмӧдӧм йылысь артмӧдчӧмъяс кырымалӧмсӧ сӧгласуйтӧм;

9) Коми Республикаын муниципальнӧй юкӧнъяслӧн меставывса асвеськӧдлан органъяслысь войтыркостса да экономикаын ортсыса йитӧдъяс збыльмӧдӧм йылысь артмӧдчӧмъяслысь, сы лыдын вынтӧмӧн лыддьӧм артмӧдчӧмъяслысь, лыддьӧг лӧсьӧдӧм да сійӧс федеральнӧй оланпастэчасӧн урчитӧм кадколастьясӧ меставывса асвеськӧдлан органъяслысь войтыркостса да экономикаын ортсыса йитӧдъяс юкӧнын канму политика лӧсьӧдӧм да збыльмӧдӧм да нормативнӧй инӧда ладмӧдӧм серти могъяс збыльмӧдны уполномочитӧм федеральнӧй олӧмӧ пӧртысь власьт органӧ ыстӧм;

10) федеральнӧй оланпастэчасӧн урчитӧм пӧрадокын да кадколастьясӧ меставывса асвеськӧдлан органъяслысь войтыркостса да экономикаын ортсыса йитӧдъяс юкӧнын канму политика лӧсьӧдӧм да збыльмӧдӧм да нормативнӧй инӧда ладмӧдӧм серти могъяс збыльмӧдны уполномочитӧм федеральнӧй олӧмӧ пӧртысь власьт органӧ Коми Республикаын муниципальнӧй юкӧнъяслӧн меставывса асвеськӧдлан органъясӧн войтыркостса да экономикаын ортсыса йитӧдъяс збыльмӧдӧм йылысь да воддза воӧ татшӧм йитӧдъяс збыльмӧдан бӧртасьяс йылысь юӧртӧм;

11) мукӧд уджмог, кутшӧмъясӧс урчитӧма федеральнӧй оланпасьясӧн, Коми Республикаса Оланподулӧн, Коми Республикаса оланпасьясӧн, федеральнӧй олӧмӧ пӧртысь власьт органъяскӧд артмӧдчӧмъясӧн, а сідзжӧ кутшӧмъясӧс урчитӧма Россия Федерацияса Президентлӧн нормативнӧй инӧда актъясӧн да Россия Федерацияса Воськӧдлан котырлӧн нормативнӧй инӧда актъясӧн, кутшӧмъяс урчитӧны Коми Республикаса олӧмӧ пӧртысь власьт органъяслы федеральнӧй олӧмӧ пӧртысь власьт органъяслысь торъя уджмогъяс сетӧмсӧ.

2. Коми Республикаса Воськӧдлан котырлысь тайӧ статьяса 1 юкӧнын индӧм уджмогъясӧс Коми Республикаса Воськӧдлан котыр збыльмӧдӧ ачыс либӧ (3, 4, 7 – 10 пунктъясын индӧм уджмогъяс кындзи) Коми Республикаса олӧмӧ пӧртысь власьт орган, кодӧс сійӧ уполномочитӧма Коми Республикаын муниципальнӧй юкӧнъяслӧн

меставывса асвеськӧдлан органъяскӧд войтыркостса да экономикаын ортсыса йитӧдъяс збыльмӧдан юалӧмъяс серти ӧтув уджалӧм вылӧ (водзӧ – уполномочитӧм орган).

**5 статья. Войтыркостса да экономикаын
ортсыса йитӧдъяс юкӧнын
Коми Республикаын муниципальной юкӧнъяслӧн
меставывса асвеськӧдлан органъяслӧн уджмогъяс**

1. Коми Республикаын муниципальной юкӧнъяслӧн меставывса асвеськӧдлан органъяс (водзӧ – Коми Республикаын меставывса асвеськӧдлан органъяс) збыльмӧдӧны войтыркостса да экономикаын ортсыса йитӧдъяссӧ тайӧ Оланпасӧн урчитӧм пӧрадокын Коми Республикаса канму власьт органъяскӧд сӧгласуйтӧмӧн меставывса тӧдчанлуна юалӧмъяс разьӧм могысь.

2. «Россия Федерацияын меставывса асвеськӧдлӧмсӧ котыртан ӧтувъя принципъяс йылысь» Федеральной оланпас серти войтыркостса да экономикаын ортсыса йитӧдъяс юкӧнын Коми Республикаын меставывса асвеськӧдлан органъяслӧн уджмогъясӧ пырӧны:

1) суйӧрсайса канмуяслӧн канму-мутасса, административной-мутасса да муниципальной юкӧнъясӧс петкӧдлысьяскӧд войтыркостса да экономикаын ортсыса йитӧдъяс юкӧнын аддзысьлӧмъяс, консультацияяс да мукӧд мероприятие нуӧдӧм;

2) Коми Республикаын меставывса асвеськӧдлан органъясӧн суйӧрсайса канмуяслӧн меставывса асвеськӧдлан органъяскӧд войтыркостса да экономикаын ортсыса йитӧдъяс збыльмӧдӧм йылысь артмӧдчӧмъяс кырымалӧм;

3) муниципалитетъяс костын ӧтвылысь уджалан юкӧнын войтыркостса организацияслӧн уджӧ пырӧдчӧм тайӧ медшӧр мог вылӧ лӧсьӧдӧм органъяслӧн уджмогъяс серти;

4) муниципалитетъяс костын ӧтвылысь уджалан войтыркостса уджтасяс дасьтӧмӧ да збыльмӧдӧмӧ пырӧдчӧм;

5) Россия Федерациялӧн войтыркостса сӧрнитчӧмъяс, федеральной оланпасъяс, Россия Федерацияса мукӧд нормативной инӧда акт да Коми Республикаса оланпасъяс серти Коми Республикаын меставывса асвеськӧдлан органъяслӧн войтыркостса да экономикаын ортсыса йитӧдъяс юкӧнын мукӧд уджмог.

**6 статья. Войтыркостса да экономикаын
ортсыса йитӧдъяс збыльмӧдӧм йылысь артмӧдчӧмъяс,
кутшӧмъясӧс кырымалӧны
Коми Республикаса канму власьт органъяс**

1. Коми Республикаса канму власьт органъяслӧн Россия Федерацияса Оланподулӧн, федеральной оланпастэчасӧн да Коми

Республикаса оланпастэчасон сетом уджмогыяс серти эм инод нуодны переговорьяс суйорсайса уджёртыяскод, кодыас индома «Россия Федерацияса субъектыяслыс войтыркостса да экономикаын ортсыса йитодьяс координируйтом йылыс» Федеральной оланпаслон 1 статьяса 1 пунктын, а сиджю кырымавы накод войтыркостса да экономикаын ортсыса йитодьяс збыльмодом йылыс артмодчомьяс.

2. Войтыркостса да экономикаын ортсыса йитодьяс збыльмодом йылыс артмодчомьяс вермоны кырымавы Коми Республика кыдзи Россия Федерацияса субъект нимсянь, Коми Республикаса Каналан Совет нимсянь, Коми Республикаса Вескюдлан котыр либо Коми Республикаса мукод олөмө портыс власыт орган нимсянь.

3. Коми Республикаса канму власыт органьяс федеральной оланпастэчас серти водзвыв юортоны Россия Федерацияса суйорсайса делояс министерствоо да мукод колана федеральной олөмө портыс власыт органо войтыркостса да экономикаын ортсыса йитодьяс збыльмодом йылыс артмодчомьяс кырымалом йылыс переговорьяс заводитом йылыс.

4. Войтыркостса да экономикаын ортсыса йитодьяс збыльмодом йылыс артмодчомьяс кырымалан процедурасо индом артмодчом балаяс согласуйтны коланлунсо тод выло босытомон индоны:

1) Коми Республикаса Каналан Совет – артмодчомьяс серти, кони сёрнитчысьон лоо Коми Республикаса Каналан Совет;

2) Коми Республикаса Вескюдлан котыр – артмодчомьяс серти, кони сёрнитчысьон лоо Коми Республика, Коми Республикаса Вескюдлан котыр либо Коми Республикаса мукод олөмө портыс власыт орган.

5. Войтыркостса да экономикаын ортсыса йитодьяс збыльмодом йылыс артмодчомьяс кырымало:

1) Коми Республикаса Юралыс – артмодчомьяс серти, кони сёрнитчысьон лоо Коми Республика;

2) Коми Республикаса Каналан Советон Вескюдлыс – артмодчомьяс серти, кони сёрнитчысьон лоо Коми Республикаса Каналан Совет;

3) Коми Республикаса Вескюдлан котырон Юрнуодыс либо мод морт, кодос Коми Республикаса Вескюдлан котыр уполномочитома кырымавы артмодчомсо, – артмодчомьяс серти, кони сёрнитчысьон лоо Коми Республикаса Вескюдлан котыр;

4) Коми Республикаса мукод олөмө портыс власыт органон юрнуодыс – артмодчомьяс серти, кони сёрнитчысьон лоо Коми Республикаса мукод олөмө портыс власыт орган.

6. Коми Республикаса канму власыт органьясон кырымалом войтыркостса да экономикаын ортсыса йитодьяс збыльмодом йылыс артмодчомьяс федеральной оланпастэчас серти колө канмусянь пасйыны Россия Федерацияса Вескюдлан котырон урчитом порадокын да канмусянь пасйом выло найос ысто:

1) Коми Республикаса Каналан Совет – артмодчомьяс серти,

кутшöмъясöс кырымалöма Коми Республикаса Каналан Сöвет нимсянь;

2) Коми Республикаса Вescкöдлан котыр – артмöдчöмъяс серти, кутшöмъясöс кырымалöма Коми Республика, Коми Республикаса Вescкöдлан котыр либö Коми Республикаса мукöд олöмö пöртысь власьт орган нимсянь.

**7 статья. Суйöрсайса канмуяслöн мутасьясын
Коми Республикаöс петкöдланінъяс вescтöм,
налысь уджсö котыртöм да найöс бырöдöм**

1. Суйöрсайса канмуяслöн мутасьясын Коми Республикаöс петкöдланінъяссö вescтöны «Россия Федерацияса субъектьяслысь войтыркостса да экономикаын ортсыса йитöдьяссö координируйтöм йылысь» Федеральнöй оланпаслöн 10 статья серти.

2. Суйöрсайса канмуяслöн мутасьясын Коми Республикаöс петкöдланінъяссылысь да налöн чина йöзлысь инöда положениесö, лöсьöдан пöрадоксö, могъяссö да уджмогъяссö, налöн уджын гарантияссö индöны Коми Республикаса оланпасьясöн федеральнöй оланпасьяс серти.

3. Суйöрсайса канмуяслöн мутасьясын Коми Республикаöс петкöдланінъяссылысь уджсö дугöдöны (бырöдöны) пöрадокын да подувьяс серти, кутшöмъясöс урчитöма федеральнöй оланпастэчасöн, Коми Республикаса оланпастэчасöн, суйöрсайса канмулöн оланпастэчасöн, кöнi индöм петкöдланіныс збыльмöдö ассыс уджсö.

4. Суйöрсайса канмуяслöн мутасьясын Коми Республикаöс петкöдланінъясöн вescкöдлöны Коми Республикаöс петкöдлысьяс, кодьясöс индöны Коми Республикаса оланпастэчасöн урчитöм пöрадокын.

**8 статья. Коми Республика мутасын
суйöрсайса федеративнöй канмуяслысь субъектьясöс
да суйöрсайса канмуяслысь
административнöй-мутасса юкөнъясöс
петкöдланінъяс вescтöм**

1. Коми Республика мутасын суйöрсайса федеративнöй канмуяслысь субъектьясöс да суйöрсайса канмуяслысь административнöй-мутаса юкөнъясöс петкöдланінъяссö вescтöны «Россия Федерацияса субъектьяслысь войтыркостса да экономикаын ортсыса йитöдьяссö координируйтöм йылысь» Федеральнöй оланпаслöн 10 статья серти да Коми Республикаса Вescкöдлан котырöн сетöм разрешение подув вылын.

2. Коми Республика мутасын суйöрсайса федеративнöй канмуяслысь субъектьясöс да суйöрсайса канмуяслысь административнöй-мутасса юкөнъясöс петкöдланінъяс вescтöм вылö Коми Республикаса Вescкöдлан котырлысь разрешениесö, кутшöмöс индöма тайö статьялöн 1 юкöнын, сетöны Коми Республикаса Вescкöдлан котырöн урчитöм пöрадокын.

**9 статья. Суйӧрсайса канмуясын Россия Федерацияӧс
вузасьӧм серти петкӧдланінъяс бердын
Коми Республикаӧс петкӧдлысьясӧс видзӧм**

Суйӧрсайса канмуясын Россия Федерацияӧс вузасьӧм серти петкӧдланінъяс бердын Коми Республикаӧс петкӧдлысьясӧс видзӧны «Ортсыса вузасян удж канмусянь ладмӧдан подувъяс йылысь» Федеральнӧй оланпаслӧн 8 статьяса 2 пункт серти.

**10 статья. Коми Республикаын меставывса асвеськӧдлан
органьяслысь войтыркостса да экономикаын ортсыса
йитӧдъяс збыльмӧдӧмсӧ сӧгласуйтан пӧрадок**

1. Коми Республикаын меставывса асвеськӧдлан органьяс тайӧ статьяӧн урчитӧм пӧрадокын сӧгласуйтӧны уполномочитӧм органкӧд войтыркостса да экономикаын ортсыса йитӧдъяс збыльмӧдӧмсӧ.

2. Войтыркостса да экономикаын ортсыса йитӧдъяс збыльмӧдӧмсӧ сӧгласуйтӧм могысь Коми Республикаын меставывса асвеськӧдлан орган ыстӧ уполномочитӧм органӧ тайӧ Оланпасын 5 статьялӧн 2 юкӧнӧн урчитӧм уджмогыяс, тайӧ Оланпасын 5 статьялӧн 2 юкӧнса 2 пунктӧн урчитӧм уджмогыяс кындзи, (водзӧ – мероприятие) збыльмӧдны кӧсйӧм йылысь гижӧм шыӧдчӧм (водзӧ – шыӧдчӧм) планируйтана мероприятиеӧдз 30 календарнӧй лунысь оз сӧрджык сылысь медшӧр могъяссӧ, чайтана сюрӧссӧ, кадколастьяссӧ, котыртысьяссӧ да (либӧ) сэтчӧ пырӧдчысьяссӧ (эмӧсь кӧ) индӧмӧн да сійӧс нуӧдны либӧ сэтчӧ пырӧдчыны коланлунсӧ подулалӧмӧн.

3. Уполномочитӧм орган видлалӧ шыӧдчӧмсӧ уполномочитӧм органӧ сылӧн воан кадпассянь 20 календарнӧй лун чӧжӧн.

Уполномочитӧм орган котыртӧ колана федеральнӧй олӧмӧ пӧртысь власьт органьяскӧд, Коми Республикаса колана олӧмӧ пӧртысь власьт органьяскӧд мероприятие сӧгласуйтӧмсӧ.

Шыӧдчӧм видлалан кадколастсӧ нюжӧдӧны тайӧ юкӧнса мӧд абзац серти сӧгласуйтӧм вылӧ колана кадсӧ тӧд вылӧ босьтӧмӧн, но 5 календарнӧй лунысь оз дырджык кежлӧ.

4. Мероприятие гижӧмӧн сӧгласуйтӧмсӧ (сӧгласуйтӧмын мотивируйтӧм ӧткажитӧмсӧ) уполномочитӧм орган ыстӧ Коми Республикаын меставывса асвеськӧдлан органӧ, кодӧ ыстӧма шыӧдчӧмсӧ, уполномочитӧм органӧ шыӧдчӧм воан кадпассянь 25 календарнӧй лунысь оз сӧрджык кадколастӧ.

5. Мероприятие сӧгласуйтӧмын ӧткажитан подувъясыс сыын, мый:

1) абу кутчысьӧма войтыркостса да экономикаын ортсыса йитӧдъяс збыльмӧдан юалӧмъяс серти федеральнӧй оланпастэчаслӧн да Коми Республикаса оланпастэчаслӧн положениеясӧ;

2) торкалӧма тайӧ статьялӧн 2 юкӧнӧн урчитӧм шыӧдчӧм сетан кадколастсӧ;

3) сетöма абу тырвыйö да (либö) абу збыль тöдмөгъяс, кутшöмъясöс урчитöма тайö статьялөн 2 юкөнөн.

6. Сэк, кор бырöдöма мероприятие сöгласуйтöмын öткажитан подувъяссö, кутшöмъясöс урчитöма тайö статьяса 5 юкөнөн, шыöдчöмсö позьö выль пöв ыстыны уполномочитöм органö тайö статьяса 2 юкөнөн урчитöм кадколастьяссö тöд вылö босьтöмөн. Шыöдчöмсö выль пöв видлалöны тайö статьяөн урчитöм пöрадокын.

**11 статья. Коми Республикаын меставывса асвеськöдлан
органъяслысь войтыркостса да экономикаын ортсыса
йитöдъяс збыльмöдöм йылысь артмöдчöмъяс**

1. Меставывса тöдчанлуна юалöмъяс разьöм могысь Коми Республикаын меставывса асвеськöдлан органъяс кырымалöны суйöрсайса канмуяслөн меставывса асвеськöдлан органъяскöд войтыркостса да экономикаын ортсыса йитöдъяс збыльмöдöм йылысь артмöдчöмъяс Коми Республикаса Веськöдлан котыркöд сыөн урчитöм пöрадокын сöгласуйтöмөн.

2. Коми Республикаын меставывса асвеськöдлан органъяслысь войтыркостса да экономикаын ортсыса йитöдъяс збыльмöдöм йылысь кырымалöм артмöдчöмъяссö колö публикуйтны (йöзöдны) муниципальной инöда актъяс публикуйтöм (йöзöдöм) вылö урчитöм пöрадокын.

**12 статья. Коми Республикаын меставывса асвеськöдлан
органъяслысь войтыркостса да экономикаын ортсыса
йитöдъяс збыльмöдöм йылысь артмöдчöмъяс
пасьян пöрадок**

1. Коми Республикаын меставывса асвеськöдлан органъяслысь войтыркостса да экономикаын ортсыса йитöдъяс збыльмöдöм йылысь артмöдчöмъяссö (водзö – артмöдчöм) пасйöны тайö статьяөн урчитöм пöрадокын да тайö лоö татшöм артмöдчöмъяслөн вынсялöм вылö быть колана условиеөн.

2. Уполномочитöм орган пасйö артмöдчöмъяссö да сы дырйи:

1) примитöны пасйöм либö сыын öткажитöм йылысь помшүөм;

2) сетöны артмöдчöмлы пасьян номер пасьян кадпассö индöмөн.

3. Пасйыны колана артмöдчöмсö (подлинниксö) да тайö артмöдчöмлысь Коми Республикаын муниципальной юкөнса юралысьөн либö сийöс вежысьөн эскöдöм копиясö (водзö – документъяс) тайö артмöдчöмсö кырымалан кадпассянь 10 уджалан лунысь оз сёрджык сетöны уполномочитöм органö.

4. Коми Республикаын öткымын муниципальной юкөнлөн Коми Республикаын меставывса асвеськöдлан органъяскöд öтвылысь кырымалöм артмöдчöмсö пасйöм вылö сетö Коми Республикаын меставывса асвеськöдлан орган, кодöс индöма артмöдчöмсö кырымалысьяс

лыдын медводдзаён.

5. Уполномочитом орган пасйö артмöдчöмьяссьö уполномочитом органö артмöдчöм воан кадпассянь 10 уджалан лун чöжөн. Артмöдчöмсö пасйöм бöрын 5 уджалан лун чöжөн уполномочитом орган ыстö сылысь подлинниксö сылы сетом пасьян номерён Коми Республикаын меставывса асвеськöдлан органö видзöм вылö, кодi сетöма артмöдчöмсö пасйöм вылö.

6. Уполномочитом орган öткажитö артмöдчöмсö пасйöмын сэк, кор пасйöм вылö сетом артмöдчöмыс оз лöсъяв артмöдчöм балалы, мый серти сетöма Коми Республикаса Вескöдлан котырлысь сöгласлунсö.

Сэк, кор артмöдчöмсö пасйöмын öткажитöма, уполномочитом орган уполномочитом органö артмöдчöм воан кадпассянь 15 уджалан лунысь оз сёрджык кадколастö ыстö та йылысь мотивируйтöм öткажитöмсö да бөр сетö документьяссьö Коми Республикаын меставывса асвеськöдлан органö, кодi сетöма артмöдчöмсö пасйöм вылö.

7. Уполномочитом орган бөр сетö документьяссьö уполномочитом органö налөн воан кадпассянь 5 уджалан лун чöжөн Коми Республикаын меставывса асвеськöдлан органö, кодi сетöма артмöдчöмсö пасйöм вылö сийöс пасйытöг, сэк, кор вöли торкалöма пасйöм вылö артмöдчöмсö сетан пöрадоксö, кутшöмöс урчитöма тайö статьяён.

8. Артмöдчöмö пыртöм вежсьöмьяссьö да содтöдьяссьö, а сiдзжö сы дорö став содтöдсö, кутшöмьясöс примитöма сийöс пасйöм бöрын, колö пасйыны тайö статьяён урчитöм пöрадокын.

13 статья. Коми Республикаын меставывса асвеськöдлан органьяслысь войтыркостса да экономикаын ортсыса йитöдьяс збыльмöдöм йылысь юöртöм

Коми Республикаын муниципальной юкөнса юралысь быд во тövшöр тöлысь 15 лунöдз юöртö уполномочитом органö индöм органён урчитöм пöрадокын Коми Республикаын тайö муниципальной юкөнлөн Коми Республикаын меставывса асвеськöдлан органьяслысь войтыркостса да экономикаын ортсыса йитöдьяс збыльмöдöм йылысь да воддза воын татшöм йитöдьяс збыльмöдан бöртасьяс йылысь.

14 статья. Коми Республикаын меставывса асвеськöдлан органьяслысь войтыркостса да экономикаын ортсыса йитöдьяс збыльмöдöм йылысь артмöдчöмьяслөн лыддьöг

1. Коми Республикаын муниципальной юкөн лöсьöдö Коми Республикаын тайö муниципальной юкөнлөн Коми Республикаын меставывса асвеськöдлан органьяслысь войтыркостса да экономикаын ортсыса йитöдьяс збыльмöдöм йылысь артмöдчöмьяслысь лыддьöгсö (водзö – артмöдчöмьяслөн лыддьöг) Коми Республикаса Вескöдлан котырөн урчитöм пöрадокын. Артмöдчöмьяслөн лыддьöгö пыртöны Коми

Республикаын тайö муниципальнöй юкөнлысь став артмöдчöмсö, сы лыдын вынтöм лыддян артмöдчöмъяссö.

2. Коми Республикаын муниципальнöй юкөнса юралысь быд во тöвшöр тöлысь 15 лунöдз ыстö уполномочитöм органö артмöдчöмъяслысь лыддьöг, артмöдчöмъяс, кутшöмъясöс кырымалöма да кутшöмъяс вынтöммöмаöсь кольöм воын, сэтчö пыртöмөн. Сэк, кор артмöдчöмъяслысь лыддьöгсö ыстöны медводдзаысь, сэтчö пыртöны Коми Республикаын тайö муниципальной юкөнлысь став артмöдчöмсö, сы лыдын вынтöммöм артмöдчöмъяссö.

15 статья. Бöртас

1. Тайö Оланпасыс вынсялö сійöс официальнöя публикуйтан лун бöрын дас лун кольöм мысти.

2. Коми Республикаса Юралысьлы да Коми Республикаса Веськöдлан котырлы лöсьöдны ассыныс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктивкар

2023 вося öшым тöлысь 30 лун

129-РЗ №